



## **SLUŽBA ZA REVIZIJU FINANSIJSKOG POSLOVANJA**

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

### **IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2005. GODINU DEMOKRATSKE NARODNE ZAJEDNICE**

Broj: 09-07-6-628/06  
Sarajevo, 17. april 2007. godine

## **SADRŽAJ:**

MIŠLJENJE REVIZORA.....	2
1. UVOD.....	3
2. PREDSTAVLJANJE POLITIČKE STRANKE.....	3
3. OPIS PREGLEDA I KANCELARIJSKE REVIZIJE.....	4
Predmet kancelarijske revizije.....	4
Cilj kancelarijske revizije.....	4
Obim kancelarijske revizije.....	4
4. PRETHODNE REVIZIJE.....	4
5. NALAZI I PREPORUKE.....	4
5.1. NALAZI.....	4
5.2. PREPORUKE.....	4

## MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja **Demokratske narodne zajednice** za 2005. godinu

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke, kontrolu izvoda iz poslovnih knjiga političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

**Politička stranka nije postupila u skladu sa odredbama člana 11. stav 3. Zakona o finansiranju političkih stranaka jer obrasci finansijskih izvještaja nisu popunjeni u skladu sa Pravilnikom o godišnjim finansijskim izvještajima političkih stranaka.**

**Na osnovu našeg pregleda, odnosno revizije finansijskog izvještaja, osim gornje napomene nismo zapazili ništa značajno što bi ukazalo na druge nedostatke u izvještaju ili finansiranju ove političke stranke, te nije potrebno vršiti dodatnu reviziju u prostorijama stranke po članu 14. stav 7. Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja Demokratske narodne zajednice za 2005. godinu.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05 od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja DNZ je iskazala ukupne prihode u iznosu od 248.255,94 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	660,00	0,27%
2	Prilozi fizičkih lica	5.334,00	2,15%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	242.103,65	97,52%
8	Ostali prihodi	158,20	0,06%
	<b>Ukupni prihodi:</b>	<b>248.255,94</b>	<b>100,00%</b>

U godišnjem finansijskom izvještaju politička stranka je iskazala ukupne rashode u iznosu od 224.404,97 KM.

## 2. PREDSTAVLJANJE POLITIČKE STRANKE

Naziv političke stranke: Demokratska narodna zajednica. Skraćeni naziv stranke je DNZ.

Politička stranka je registrovana 16.02.1996. godine u Višem sudu u Mostaru, broj upisa R14/96.

Sjedište političke stranke je u Mostaru, ulica Hotel Mostar bb. Glavni ured stranke je u Velikoj Kladuši, ulica Sulejmana Topića 7.

Lica ovlaštena za zastupanje stranke: Rifet Dolić, predsjednik,  
Hafeza Sabljaković, podpredsjednik,  
Ibrahim Đedović, predsjednik GO.

Lice ovlašteno za podnošenje finansijskih izvještaja za 2005. godinu je Raska Ćerimović.

Organizacionu strukturu DNZ prema podacima iz finansijskog izvještaja čine:

- Glavni ured V.Kladuša
- 13 opštinskih odbora.

DNZ je ustrojena na principu centralnog finansiranja i centralnog vođenja knjigovodstva, odnosno jednog transakcijskog računa. Izuzetak čini opštinski odbor Cazin.

### 3. OPIS PREGLEDA I KANCELARIJSKE REVIZIJE

**Predmet kancelarijske revizije** je godišnji finansijski izvještaj DNZ za 2005. godinu i dodatna finansijska dokumentacija: bruto bilans na dan 31.12.2005. godine i kopije kartica iz glavne knjige.

**Cilj kancelarijske revizije** je da revizor na bazi finansijskog izvještaja pokuša da ustanovi da li je stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskih izvještaja utvrdi određena kršenja Zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim kancelarijske revizije** finansijskih izvještaja obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i prihode od imovine.

### 4. PRETHODNE REVIZIJE

Nije vršena revizija finansijskih izvještaja.

### 5. NALAZI I PREPORUKE

#### 5.1. NALAZI

a) Na osnovu obavljenog pregleda i kancelarijske revizije utvrđeno je da politička stranka prekršila član 11. stav 3. Zakona o finansiranju političkih stranaka.<sup>1</sup>

Obrasci finansijskog izvještaja nisu popunjeni u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 10/04) jer nije pravilno popunjen obrazac organizacione strukture, odnosno nisu iskazani svi organizacioni dijelovi političke stranke.

#### 5.2. PREPORUKE :

*Na osnovu uočenih nedostataka preporučuje se Demokratskoj narodnoj zajednici BiH:*

- *da postupa u skladu sa odredbama člana 11. stav 3. Zakona o finansiranju političkih stranaka.*

Hasida Gušić, šef Službe

Sanja Čabrilo, revizor

---

<sup>1</sup>Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH.